



UNIVERSITÄTS-  
BIBLIOTHEK  
PADERBORN

## **Divi Thomae Aqvinatis Doctoris Angelici Opera Omnia**

Summa diligentia ad exemplar Romanæ Impreßionis restituta

Complectens Tertiam Partem Summæ Theologiæ. Cum Commentariis  
Reuerendiss. D. Thomæ de Vio Caietani Cardinalis S. Sixti, Et Opvscvlis  
Eivsdem In tres Tomos distinctis

**Thomas <von Aquin, Heiliger>**

**Venetiis, 1593**

4. De loco baptismi.

---

[urn:nbn:de:hbz:466:1-72797](https://nbn-resolving.org/urn:nbn:de:hbz:466:1-72797)

Super Questionis  
39. Articulus quartus.

ARTICULUS IIII.

Utrum Christus debuerit in Iordane baptizari.

Titulus clausus est.

March. 3.

**T** in corpore una conclusio: Cuius mens fuit Christus in Iordane ut baptizaretur, quia per hoc significatur ingressus per baptismum in regnum Dei. Declaratur que hoc duplici figura, scilicet in Iordane & Helix in celo. Et scito, quod ista mystica est: nec alia potest reddi magis hieralis, nisi quia Deus eligat magis Iordanem, quam alias aquas.

**A**D QVARTVM sic proceditur. Videtur, quod Christus non debuerit baptizari in Iordane. Veritas enim debet respondere figuræ: sed figura baptismi præcessit in transitu maris rubri: ubi Aegyptij sunt submersi, sicut peccata delentur in baptismo. ergo videtur quod Christus magis debuerit baptizari in mari, quam in flumine Iordanis.

**2** Præter Iordanis interpretatur descensus sed per baptismum aliquis ascenderit magis, quam descendit: unde etiam Matth. 3. dicitur, quod baptizatus Iesus confestim ascendit de aqua. ergo videtur inconueniens fuisse, quod Christus in Iordane baptizaretur.

Præter transeuntibus filijs Israel, aqua Iordanis conuersa sunt retrorsum, ut legitur Iosue 4. & sicut etiam in Psal. 113. dicitur, sed illi qui baptizantur, non retrorsum, sed in antea progreditur. Non ergo fuit conueniens, quod Christus in Iordane baptizaretur.

**S**ED CONTRA est, quod dicitur Marci 1. quod baptizatus est Iesus a Iohanne in Iordane.

**R**ESPON. Dicendum, quod fluius Iordanis fuit, per quem filij Israel in terram promissionis intrauerunt. Hoc autem habet baptismus Christi speciale præ omnibus baptismatibus, quod introducit in regnum Dei, quod per terram promissionis significatur. unde dicitur Iohannis 3. Nisi quis renatus fuerit ex aqua & Spiritu sancto, non potest introire in regnum Dei. Ad quod etiam pertinet, quod Helix diuisit aquas Iordanis, quando erat in curru igneo rapiendus in caelum, ut dicitur 4. Regu. 2. quia scilicet transeuntibus per aquam baptismi, per ignem Spiritu sancti patet aditus in caelum. Et ideo conueniens fuit, ut Christus in Iordane baptizaretur.

**A**D PRIMUM ergo dicendum, quod transitus maris Rubri præfigurauit baptismum, quantum ad hoc, quod baptismus delet peccata: sed transitus Iordanis quantum ad hoc, quod aperit ianuam regni caelestis, qui est principalis effectus baptismi, & per solium Christum impletus. Et ideo conuenientius fuit, quod Christus in Iordane, quam in mari baptizaretur.

**A**D SECUNDVM dicendum, quod in baptismo est ascensus per profectum gratiæ, qui requirit descensum humilitatis, secundum illud Iaco. 4. Humillibus autem dat gratiam. Et ad talem descensum referendum est nomen Iordanis.

**A**D TERTIVM dicendum, quod sicut Aug. dicit in sermone de Epiph. Sicut antea aqua Iordanis retrorsum conuersa fuerant, ita modo Christo baptizato retrorsum peccata conuersa sunt. Vel etiam per hoc significatur, quod contra descensum aquarum, benedictionum fluius sursum ferebatur.

Super Questionis  
trigesimæ Articulus quintus.

ARTICULUS V.

Utrum Christo baptizato, celi deberent aperiri.

Titulus clausus est ex euangelij historia ortus.

**A**D QVINTVM sic proceditur. Videtur, quod Christo baptizato non deberent celi aperiri. Illi enim qui indiget intrare in caelum, quasi extra caelum existens, sed Christus semper erat in caelo, secundum illud Ioan. 3. Filius hominis, qui est in caelo, ergo videtur quod non deberent ei celi aperiri.

**2** Præter Apertio caelorum aut intelligitur spiritualiter, aut corporaliter: sed non potest intelligi corporaliter, quia corpora celestia sunt impassibilia, & infrangibilia: secundum illud Iob. 37. Tu fortissimi cum eo fabricatus es celos, quod solidissimi, quasi ære fusi sunt? Similiter etiam nec potest intelligi spiritualiter: quia ante oculos filij Dei caeli antea clausi non fuerant, ergo videtur inconuenienter dici, quod baptizato Christo, aperti fuerint ei caeli.

**3** Præter Fidelibus caelum apertum est per Christi passionem, secundum illud Hebræo. 10. Habemus fiduciam in introitu sanctorum in sanguine Christi. Unde etiam nec Christi baptismum baptizati, si qui ante eius passionem decesserint, celos intrare poterunt, ergo magis debuerunt aperiri caeli Christo patiente, quam baptizato.

**S**ED CONTRA est, quod dicitur Lucæ 3. Iesu baptizato & orate, apertum est celum.

**R**ESPON. Dicendum, quod sicut dictum est, Christus baptizari voluit, ut suo baptismo consecraret baptismum, quo nos baptizaremur. Et ideo in baptismo Christi ea demonstrari debuerunt, quæ pertinent ad efficaciam nostri baptismi. Circa quæ tria sunt consideranda. Primo quidem principalis virtus, ex qua baptismus habet efficaciam: quæ quidem est virtus celestis. Et ideo baptizato Christo, apertum est caelum, ut ostenderetur, quod de cætero celestis virtus baptismum sanctificaret. Secundo, operatur ad efficaciam baptismi fides celestis, & eius qui baptizatur: unde & baptizati fidei profitentur, & baptismus fidei dicitur sacramentum. Per fidem autem inspicimus celestia, quæ sensum, & rationem humanam excedunt: & ad hoc significandum Christo baptizato aperti sunt caeli. Tertio, quia per baptismum Christi specialiter aperitur nobis introitus regni celestis, qui primo homini præclusus fuerat per peccatum. Unde baptizato Christo, aperti sunt caeli: ut ostenderetur, quod baptizatis patet via in caelum. Post baptismum autem necessaria est homini iugis oratio, ad hoc quod caelum introeat, remanet tamē fomes peccati, nos impugnans interius, & mundus, & demones, qui impugnant exteriorius. Et ideo signanter dicitur Luc. 3. quod Iesu baptizato, & orante, apertum est caelum, quia fidelibus necessaria est oratio post baptismum. Vel ut dicitur intelligi, quod hoc ipsum quod

F

G

H

I

K

L

M

N

O

P

in corpore respondit questo una conclusio: Christus baptizato, & orante, conuenienter aperti sunt caeli. Et duo sunt: quia declaratur conuenientia respectu ly & orante. Quo ad primam probatio est: Christus baptizatus est, ut nostrum baptismum consecraret, ergo in illius baptismi illa monstrari debuerunt, quæ ad nostram efficaciam baptismi spectant, ergo virtus celestis, in introituque caeli monstrari debuerunt per caelos apertos. Prima consequentia est clara. Secunda declaratur ex tribus, scilicet causa, & fide, & effectu, inueniens in efficacia baptismi. Quod ad secundum declaratur: quia oratio vel ad exemplum vel ad causam apertions caeli nobis referat, & virtusque est conueniens. In responsione ad secundum, vide duo declarari. Primum, quod caeli aperti dicuntur non in seipsis, sed secundum visionem Christi. Secundum est, qualis fuerit ista visio, corporalis, imaginaria vel intellectualis. Et licet qualibet possibilis dicatur: intellectualis tamen conuenientior videtur, ut pote excellentior.

Inf. q. 49. art. 5. ad 1. Et 3. di. 8. ar. 6. q. 3. ad 2. & dist. 23. q. 3. art. 1. ad 4. Et op. 60. c. 2.

Super Questionis  
trigesimæ Articulus quintus.

Titulus clausus est ex euangelij historia ortus.

ARTICULUS V.

Utrum Christo baptizato, celi deberent aperiri.

Titulus clausus est ex euangelij historia ortus.

ARTICULUS V.